



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 397. De Marcwardi traditione familiæ in villa Smittheadeshus in pago Auga.

urn:nbn:de:hbz:466:1-36114



§. 397.



radidit marcuardus pro filio suo brunone unam familiam in
smittbear.ieshus (a).

§. 398.

(a) Villa *Smittbeardeshus* erat in pago *Auga*, teste Sarachone in Registro Bonorum et Prouentuum Abbatiae Corbeiensis. Procul dubio hic designat vicum desolatam *Smidshusen*, olim non procul a castro Furstenberg ad Wiseram in Principatu Wolferbuttelensi ac loco, adhuc dicto *Smidshusen*, obuuium. Qui fidem habebit Iohanni Letznero in *Chronico Dasseliensi* Lib. IV. p. 179, perhibenti castrum Furstenberg olim spectasse ad comites de Dassel, creder cum eodem Letznero, castrum Furstenberg cum villis Windenfels, Derenthal et Schmiedtshusen vendidisse anno 1131 comitem Adolfum de Dassel comitibus de Everstein, qui castrum praedictum in feudum acceperint eodem anno ab abbate Corbeienfi Wicboldo, comite de Benneburg seu Behmerburg, confirmante venditionem anno 1139 papa Victore IV. Qui vero intelligit, anno 1131 nullum fuisse abbatem Corbeiensem, nomine Wicboldum, neque anno 1139 antipapam Victorem Corbeiensibus dedisse bullam, is potius creder, Letznerum glaucoma obiecisse eruditus, et nugae vendidisse pro veritate. Castrum Furstenberg ad Wiseram iam existisse anno 1131, fictio Letzneri est. Villam *Smittbeardeshus* olim spectasse ad Dasselienfes comites, argumentis comprobari non potest. Ex his traditionibus patet, villam *Smittbeardeshus* anno 942 fuisse *Marcwardi*. Quamuis itaque, testante §. 368, quidam *Marcwardus* pater *Godfridi* bona tenuerit in villa *Gardeshus* in pago Logne posita circa annum 900, diuersus tamen is esse debet a *Marcwardo* nostro, patre *Brunonis*, qui anno 942 bona dedit abbatiae nostrae in pago *Auga*. Probabile enim non est, *Marcwardum* patrem *Godfridi* quinquaginta annos in publicis egisse. Nec vlla ratione adprobari potest, progenitores Dasselienfium comitum circa castrum Furstenberg, vix iter vnus horae a castro Brunonisburgo situm, bona possedisse hereditaria. Illorum enim bona hereditaria in pagis Logne, Wikanauelde et Tilithi, posita erant. Putamus ergo, *Marcwardum* nostrum cum filio suo *Brunone* ad Brunonianam stirpem spectasse, et hunc *Brunonem* eundem fuisse, quem Otto caesar anno 976 *suum nepotem* appellat in diplomate, quod reperitur in I. G. Eccardi *Histor. Geneal.* p. 294. De nullo enim *Brunone* id solidius dici potest, quam de *Brunone* nostro. *Bruno*, quem Botho in *Chronico picturato*, atque ex eo Crantzius in *Saxonia* Lib. IV. c. 27. aliique appellant filium *Heinrici* ducis Bauariae, nunquam in rerum natura fuit. Hic autem reperimus filium *Marcwardi Brunonem*, ad stirpem Ottonianam referendum. Alios *Brunones* non habemus, quam *Brunonem* Verdenssem episcopum, et *Brunonem*, postea papam dictum Gregorium; quorum ille filius *Brunonis* et *Frederunae* sororis reginae *Mabilda*, hic vero filius *Ottonis* Sueviae ducis fuit, quos caesar *nepotes* suos appellare citra iniuriam potuit. Si ergo neque episcopum Verdenssem, neque papam designari credideris, cui caesar assignauerit certos prouentus ex telonio in ciuitate Patavio, necessum est, nosser *Bruno*, qui

Ggg g 3

qui